

可齋雜藁

可齋雜稿卅四
卷續稿前八卷
續稿後十二卷

四庫全書珍本初集

別集
集
類部

總校官庶吉士臣倉聖脉

校對官原任典簿臣郭祚熾

謄錄監生臣連彭年

詳校官庶吉士_臣吳烜

主事_臣呂雲棟覆勘

商務印書館
部中央圖書館
處要記景印故宮博
物院所藏文淵閣本

欽定四庫全書

集部四

可齋雜藁

別集類三宋

提要

臣等謹案可齋雜藁三十四卷續藁前八卷
續藁後十二卷宋李曾伯撰曾伯字長孺丞
相邦彥之孫南渡後流寓嘉興邦彥庸材具
位時有浪子之稱而曾伯則能以事功顯由
著作郎兩分漕節七開大閘通知兵事所至

皆有寔績官至觀文殿學士集中多奏疏表
狀之文大抵深明時勢究悉物情多可以見
諸施用惟詩詞才氣縱橫頗不入格而要亦
憂憂異人不屑拾慧于牙後其雜藁編於淳
祐壬子續藁前編於寶祐甲寅皆有曾伯自
序續藁後為甲寅以後至辛酉之作不知誰
編考曾伯卒于寶祐戊辰則亦所自定也其
子杓嘗彙三藁刻之荊州湖北倉使劉夔又

刻之武陵咸淳庚午書肆又為小本刊行其
序即杓所作蓋其人其文並為當時所重故
流傳之廣如是也然三藁皆各自為編至元
嘉禾志始稱為可齋類藁蓋後人合而名之
殊非宋刻之舊今仍存三集之本名從其朔
焉乾隆四十三年七月恭校上

總纂官

臣

紀昀

臣

陸錫熊

臣

孫士毅

總校官

臣

陸費墀

可齋雜藁原序

藁以雜名非純也余自弱冠共子職既而從諸公幙歷
中外泓穎不靈終其身吏俗中間隨事以醇應托意於
模寫自少而壯壯而老天闕剗藤者多矣其棄而醬蒙
藥褚不復可記憶篋中斷語零落本無足采年來憂患
摧折思致愈不逮前一日與書塾親友偶閱舊作一二
有勸以刊諸梓示兒曹者姑俾芟次之杜園綴緝淺近
卑陋終不及君房語譬諸山有野藪聊爾雜陳倘俎諸

五侯之鯖當戰然一笑淳祐壬子夏五旦日可齋書于

荊州杞梓堂

士君子生斯世功業文章其本雖一而不能兩全者天也本朝功業之盛莫如韓范忠獻春雨桔槔之篇膾炙人口至辨論新法一疏精於經術諸儒有所不逮而上之人以出於強至疑之矣文正岳陽樓記精切高古而歐公猶不以文章許之然要皆磊磊落落確實典重鑿鑿乎如五穀之療飢與世之絺章繪句不根事實者不

可同年而語也可齋李公早以功業自許而詩文操筆
立就精妙帖妥覓出時流余曩與朝夕每歎其得於天
者厚一別將二紀而公功業赫奕於時一日貽書以其
在荆襄著述二編見示且曰蠹魚活計我尚願留情焉
余熟觀而歎曰功業文章難兩全久矣而公之志欲兼
之顧今邊事孔棘公以一身橫當荆蜀之衝屹然如長
城萬里上之倚公不啻韓范豈當復與書生文士校短
長於繩尺間哉諸葛孔明出師一表前輩以為與伊訓

說命爭光才德之盛固有不期然而然者此余所期公
於異日者也余既以此意復於公仍書以遺湖北倉使
劉和甫籤俾刊之編首益相勉勵以盡朋友之義云寶
祐二年龍集甲寅閏月上澣翰林學士中大夫知制誥
兼秘書監兼修國史實錄院脩撰兼侍讀尤焞序

欽定四庫全書

可齋雜藁卷一

宋 李曾伯 撰

表

代蜀總賀皇帝登極

鴻圖有永生上哲以應時龍德更新握休符而御極華
夷悅服宗社安榮竊惟以命舜而命禹者由歷數之歸
不之益而之啟者以謳歌之屬莫匪天人之與乃臻名
位之傳恭惟皇帝陛下緝熙光明聖神文武震雷未作

休聞已彰離日初升鴻聲遠播克承祖烈祇奉母儀豈
惟開平治之期將見廣規恢之業臣身逢盛際職守遐
方作之君作之師益綿統系莫非臣莫非土倍切懷愉

代賀皇太后

王謨烈啟後人罔輕付託帝孝慈奉太后式顯尊榮天
扶宗社之傳風動臣民之仰恭惟皇太后陛下令儀恭
肅柔德含洪母道增光詔孫謀而翼子聖躬膺歷為天
下以得人思齊遠繼于大任得位並隆于大舜益躋盛

美克壯皇圖臣濫綴外臺恭逢華旦身居劍棧愧忝蹈
之無從目睇觚稜惟傾瞻之采切

代賀郊祀慶成

九重肇祀黃宮推迎日之長五時用成蒼璧重禮天之
敬神人胥悅夷夏聳觀恭惟皇帝陛下順慶垂基體元
立極湯有一德為皇天眷命之符禹立三年正百姓遂
仁之日爰躬緝幄載見紫壇精忱寓藁藉之間和氣溢
豆籩之際宥民沛澤御丹鳳之端闈尊祖告功肅翠鑾

於清廟乾坤寧晏宗社靈長臣繆董賦輿濫兼郡鑰駿
奔百執莫遑祇事於園丘輦抃一心惟贊受釐於宣室

代賀皇太后

報本南郊謹小心而饗帝告功東闕新大典之承親慶
協神人懽騰海宇恭惟皇太后陛下離明麗正坤德靜
專位處時龍視舜邦于敝屣謀詒翼燕錫禹命以玄圭
屬泰時之藏儀宜慈闈之歸美一時雖肅永傳任如之
徽音千歲治安遠邁商周之丕祚臣吹竽粟輓越俎竹

符思助祭于臣工葵傾萬里受介福于王母栢悅一心

代賀紹定改元

藏事國陽甫畢祠官之典更端歲統載新太史之編慶
格天人懽騰海宇恭惟皇帝陛下膺圖出震體道乘乾
審已察文允協舜璣之政卜年過歷益綿周鼎之休屬
紫時之肇禋命清臺而定歲謂紹興洪烈當昭祖武之
繩而嘉定成規盍繼孫謀之翼用重光于鳳紀斯永保
于龜圖臣給竈戍薇代庖符竹荷美名都顯號欣逢正

始之初揚偉績鋪宏休莫究無前之盛

代賀皇太后

五時藏儀天子展事親之孝一元謹始日官新紀歲之
文凡屬華夷欣同正朔恭惟皇太后陛下二南王化四
海母儀遙駿有聲克贊武王之聖德肅雖在廟端由太
妣之徽音屬皇邸之肇禋命清臺而更歷繩其祖武仰
循紹興英主之規詒厥孫謀上接嘉定真人之統更新
顯號昭示明時臣繆總兵儲濫兼郡守一宣漢旨蜀父